

231. Hiazt bin i no kloan.

1.

Hiazt bin i no kloan, kloan, kloan,
Man do scha Scheiter klabn,
Und a weng Diandl liabn,
Bin schon fidel, fidel.
Traurig sein mag i nit
Na, meiner Seel.

Schlösser, Steierm. Volkslieder.

2.

Bin halt no jung, jung, jung,
Bart hab i freili kloan,
Moch mir halt selber oan,
Alleweil fidel, fidel,
Traurig sein mag i nit,
Na, meiner Seel.

17

3.

Bin i amal groß, groß, groß,
Muas i a Madel hobn,
Dos schöne Waderl hot.
Alleweil fidel, fidel,
Traurig sein mag i nit,
Na meiner Seel.

4.

Und hobn wir a Geld, Geld, Geld,
Kellner trag z'sauffn auf,
Buam spielt's an Landla drauf.
Alleweil fidel, fidel,
Traurig sein mag i nit,
Na meiner Seel.

5.

Und wenn i amal stirb, stirb, stirb,
Schlagts auf die Truchn drauf,
Aft steh ich wieder auf,
Alleweil fidel, fidel,
Traurig sein mag i nit,
Na meiner Seel.

6.

Und bin i amal tod, tod, tod,
Muas'n mi die Steirer tragn
Und dazu Zithern schlagen,
Alleweil fidel, fidel,
Traurig sein mag i nit,
Na meiner Seel.